

Tellus Fernandez num. 31. Matiençus in d. tal. 3. titulo 4. lib. 5. gloss. 1. num. 2.

\* Ad numer. 4. ibi.) Et procedit quando bona condemnati non sunt confiscata, &c. Et hoc casu maioratum posse condere, & meliorationem tertij facere tenet Molina de primogenijs libro 2. cap. 10. numero 69. Gregorius Lopez in leg. 5. titulo 3. partit. 7. verbo, fennalados, Tellus Fernandez hic, numero 17. quamuis contrariam sententiam tenuerit, ex Roderico Suarez, Couarruias in Rubr. de testamētis, 3. part. numero 27. vt refert idem Molina vbi supra, & Matiençus in l. 3. titulo 4. libr. 5. nouæ Recopilationis, gloss. 6. numero 4. Velazquez de Auendanno hic, gloss. 5. numer. 5. sed idem Suarez in lege Regni, numero 4. & in titulo delas arras. fol. 45. pagina 2. Couarruias in Rubr. de testament. 3. par. num. 27. quod cum bona damnati ad mortem, ex legis dispositione deferantur, non potest condemnatus si filios habet aliquem ex his meliorare, quia huiusmodi lucrum æqualiter debet diuidi argumento text. in auth. hoc lucrum. C. de secundis nuptijs, & in l. si deportatus. C. de bonis damnatorum ibi, & quæ diuisionis partibus, &c. Sed hanc obseruationem damnat Gregorius in l. 5. titulo 31. par. 7. & Tellus, numer. 14. nec quicquam faciunt iura supra allegata: procedunt enim vbi à lege deferuntur damnati bona: at hic ab ipso damnato fit dispositio, vt probat, ibi, puedan disponer de sus bienes.

\* Ad numerum 4. ibi.) Et resolutiue dico, quod sic idem tenet Matiençus in dict. l. 3. titulo 4. libro 5. gloss. 7. numero 2. Velazquez de Auendanno hic, gloss. 7. numero 2. Tellus hic, num. 39. & 40. sed vtrum hæc lex procedat in eo, cuius bona ipso iure confiscantur, vt testari possit vt puta in hæretico, vel in eo qui crimine læsæ maiestatis humanæ damnatur, vel in Sodomita, vide Tellum Fernandez hic, num. 34. & 35. Castellum in verbo, confiscando, Palacios Rubios hic, numero 17. Gregorium in l. 7. titul. 7. part. 6. Matiençum in dict. l. 3. gloss. 7. numero 3. Velazquez hic, gl. 7. nu. 4. & 7. cum sequent. & numer. 14. & 15. cum duobus sequent.

\* Ad num. 4. ibi.) Quia hæres succedit in

bonis sibi debitis, &c. Quia illa non veniunt in cōfiscationem, idem tenet Matiençus in dict. l. 3. gloss. 7. num. 2. & Velazquez hic, num. 5.

\* Ad numer. 6. ibi.) Primo quando condemnatus appellauit, &c. Pro hac sententia est text. in l. 15. titul. 1. par. 6. & vide etiam Azeuedum in l. 3. tit. 4. lib. 5. Recop. num. 4.

\* Ad numerum 7. ibi.) Sed his non obstantibus, ego teneo contrariam sententiam, &c. In hoc articulo tres fuerunt Doctores regni nostri quorum alter contra dominum meum defendit cōdemnatum ad mortem testamēti factionem passiuam non habere, & hic fuit Cifuentes hic numero 2. alter est dominus meus qui contrariam tenet, scilicet, condemnatum ad mortem passiuam testamēti factionem habere, alter Gregor. in l. 5. titul. 1. partit. 6. qui cogitādum relinquit. Sed domini mei sententia tandem obtinuit quam sequitur Tellus, licet eius fundamenta impugnant rationem quam dominus meus antea docuerat, referens, scilicet, hodie testabilem esse condemnatum ad mortem, quia seruus pœnæ non efficitur cui fundamento à domino meo sæpius repetito tam in numero 2. quam in 6. interpretans textum in l. quidam sunt serui. ff. de pœnis. alia adiecit non futilia, vt Tellus inquit, sed grauissima, & vrgentissima, quorum primum illud est, scilicet, quia vbi duo casus æquiparantur in iure, dispositum in vno in alio dispositum censetur, quòd ex eo maxime probatur, quia condemnatus qui testamentum facere potest testamēti factionem habere dicitur: sed testamenti factionem habere non solum id significat vt quis testari possit: sed etiam vt ex testamento capere possit. §. testamenti autem. inst. de hæredum qualitate, & differentia, neque obstat oppositum à Tello de æquiparatione per modum regulæ generalis: nã respōderi potest regulam dict. §. testamenti autem. generaliter esse intelligendā nisi aliud à lege disponatur prout in casibus ab ea exceptis expresse disponitur. Præterea, quia licet nō in omnibus & per omnia æquiparentur testamēti factio passiuæ & actiuæ, tamen hoc casu æquiparari cōstat, ex dicto §. testamenti factionem, nec obstat secunda

B 2 ob-